



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Gh 42
161

WIDENER LIBRARY



HX J9BR U

Leisner - De Herodiano Herodiaique versione
Bergleriana - 1761.

Gh 42.161



Harvard College Library

FROM

Francis H. Fobes

D 3466
DE

HERODIANO HERODIANIQUE
VERSIONE BERGLERIANA
PROLVVSIO SCHOLASTICA

ORATIVNCVLIS V

IN

SCHOLA THOMANA

A. D. X APRILIS A. C. MDCCC LXI

RECITANDIS

PRAEMISSA

A

IO. FRIDERICO LEISNERO

RECTORE



LIPSIÆ

EX OFFICINA BREITKOPFIA

Gh 42.161



ui de rerum scriptoribus iudicare conantur, nunc eorum dicendi artem, nunc rerum, quae traduntur, varietatem et magnitudinem, nunc denique fidem scriptorum ipsam sibi apud animum proponunt. Herodianum etiam ab illis magni fieri facile animaduertas, qui his omnibus simul praestantiam historici metiendam ducunt. Nam nec eloquentiae caret laudibus, et, quae fuerit romani imperii per sexaginta annorum spatium fortuna, sub multis pessimis, paucis bonis, principibus exponit: testimoniis autem eius fidem auctoritatemque illi ipsi adiungunt, quos in credulitatis ne suspicionem quidem vocare audeas. Quidni ei fidem adiungant, qui tradit visa sibi et audita, nonnulla item experiendo cognita, utpote in publicis officiis principalibusque versato: cui quaedam verum tradendi necessitas fuit imposita, utpote eo tempore suam historiam vulganti, quum ea, quae literis tradiderat, lectorum sensibus adhuc memoriaeque inhaerent: qui denique libertatis retinendae ita est amans, ut in laudando reprehendendoque nihil neque gratiae neque odio dandum putet. Sileo reliqua, quae ei fidi historici laudem facile adstruant, mores ho-

hominis, genus orationis aequabiliter fere profluens, modulationem in recte ac secus factis vel laudandis vel vituperandis, diligentiam denique certa ab incertis distinguendi, cuius diligentiae expressa vestigia passim apud eum extant. Quum se in publicis principalibusque ministeriis versatum dicit, magnopere vellem, indicasset, quali munere, vtrum aulico an militari, et sub quibus imperatoribus, fuerit functus; nam sub omnibus suae aetatis functum, rebus tam frequenter tantoque opere commutatis, vix putem; vt, momentis in omnem partem pensitatis, iudicium coniiciendo ferri possit, plusne sit ei fidei habendum, quum res domi, quam quum res foris, gestas, quum res Commodi, aut Seueri, quam quum aliorum, narrat. Interim, si quis tendat, ei minus fidendum in his esse, quae de Commodio tradit, quam quae de reliquis imperatoribus, eam ipsam ob causam, quod se publicis muneribus admissum dicit, quum post discessum Commodi minimum XLVI annis vixerit, credibile autem non sit, eum valde iuuenem admitti illis coepisse; ei haud grauatim assenserim.

Diximus, eum sexaginta annorum res gestas persequutum: in quo Herodianum et pro nobis esse, et contra nos, obserues; pro nobis, quia ipse in praefatione disertis verbis de sexaginta annis testatur, historiaque eius reapse tot spatium annorum complectitur: contra nos, quia II, 15 §. 13 sibi ait esse propositum, septuaginta annorum res, sub diuersis principibus gestas, in unum corpus redactas, literarum mandare monumentis. Quid ergo est? An pugnare secum sibi que ipsi contrarium Herodianum dicemus? Diceremus forte, nisi intelligeremus, posse vtique fieri, vt propositum alicui sit, septuaginta annorum historiam contexere, postea autem eueniat aliquid, quod mutare cogat propositum, imponatque scriptori necessitatem abrumpendi orationem etiam ante, quam peruenire, quo tendebat, posset. Forte nec eorum coniectura aberrat a vero, qui dixerint, alteri Herodiani loco esse medicam ma-

num admouendam, et pro ἐβδμήκοντα substituendum ἐξήκοντα. Quando enim haec vocabula non literis, sed arithmeti-
corum signis, exprimuntur, facile posse alterum cum altero,
qua demendo aliquid, qua addendo, permutari. Quas autem
res temporis tam longi prodiderit, sub finem libri secundi in-
dicat: quo loco tacitum se praeteriturum negat, si quid modo
mentionem dignum memoriaque videatur. Quum dico, eum
res mentionem dignas prodidisse, nolim veterum historicorum
diligentiam ad huius aetatis scriptorum quorundam normam
exigi, quorum diligentia saepius sane nimia est, quippe qui-
bus religio est, omittere principum, quorum res narrant, con-
iuges liberosque peraeque omnes, etsi dici de illis nihil pos-
sit, quod posteritatis intersit discere. Ad hanc diligentiam,
si modo diligentia nominanda est, profecto non accedit He-
rodianus, qui tibi nequiquam satisfecerit, Commodi fratres
cunctos cunctasque sorores cognoscere cupienti. Duas Se-
ptimii Seueri filias ne nominat quidem. Tacet de Iulia Pau-
la, Elagabali, de Sallustia Barbia Orbiana, Alexandri Seueri
uxore, de aliis compluribus. Non tamen tegit silentio eas
imperatorum uxores, quae vel aliquod momentum in bene
aut male administranda rep. facerent, vel quae non possent
omitti, quin simul omitteretur aliquid, vnde intelligas, qui-
bus ex causis res fuerint ortae, quibus consiliis gestae, qui-
bus auxiliis adiutae, quo denique ordine a primis initiis ad fi-
nem progressae. Quum enim Herodiani historia habeat τὸ
πραγματικόν, hoc est, quum prospere et secus facta cum cau-
sis copulet, non potuit non earum mulierum iniicere mentio-
nem, propter quarum vel virtutes vel vitia res romana nunc
labi coepit, nunc surgere. Lucillam itaque Fadillamque, duas
Commodi sorores, nominat. Altera enim seditiosis molitioni-
bus fratris saeuitiam exasperauit: altera patefacto Cleandri sce-
lere eundem periculo liberauit. Ne de Marcia quidem, Com-
modi concubina, loqui super sedet, cuius consiliis clandestini-
nis

nis insidiisque cognitis cognoscere liceat, quid tyranno tandem exitium attulerit. De Iulia, praeterquam quod alia nonnulla, etiam hoc tradit, quod lectorem doceat, quidnam Severum ad spem imperii erexerit, quid Caracallae Getaeque consilia de diuidendo imperio disturbarit. In rebus denique Maesae, Soaemidisque et Mammaeae, multus est, quia in vita Elagabali et Alexandri nec pauca, nec parui momenti, occurrunt, quorum causas non potes ignorare, ut primum muliercularum istarum ortum, ingenium, vitamque et mores cognouisti.

Sunt alia, eaque grauiora, quae nonnulli omissa ab Herodiano inique ferunt. Quo pertinet famosa illa constitutio de ciuitate cum omnibus orbis romani ingenuis communicanda, item constitutio de hereditatum decima, loco vicesimae, pendenda. Pertinent eodem aliqui et iuris scientia et munerum amplitudine celebres viri, Herennius Modestinus, praeceptor Maximini iunioris: Iulius Paulus, Seueri et Caracallae consiliarius, et postea sub Alexandro praefectus praetorio: Ulpianus sub Septimio Seuero scriniorum magister, sub Alexandro praefectus praetorio: praecipue vero Aemilius Papinianus, libellorum magister sub Seuero, post praefectus praetorio, tutorque relictus Caracallae et Getae, sed crudeliter interfectus a Caracalla, quum rogatus, ut in senatu fraternae caedis excusationem susciperet, libere magnoque animo respondisset, non tam facile parricidium excusari posse, quam fieri: nouumque parricidium committi ab eo, qui accusaret innocenter occisum. Tanti viri ut ne mentio quidem fieret, qui factum esse dicemus? Caedes eius publice facta non potuit non vnicuique innotescere. Caedes ista immanitatem tyranni prodit. Atque hanc demonstrare Herodiano propositum erat. An hoc silentium inuidiae et malignitati historici tribuamus, sequuti Balduinum et Euerh. Ottonem in Papiniano p. 611.

Malignitatis in Papinianum non posse accusari Herodianum videmus, quin simul eiusdem in plures alios, quos aequè ac Papinianum omisit, accusetur. Si plane nobis cognitum esset, quonam in genere vitae, quonam munere in publico, versatus Herodianus fuerit, id forsàn facilitatis aliquid nobis adferret, simul ad eum excusandum, simul ad causas harum omissionum detegendas. Nunc earum ut gratiam ei faciamus, ideo inclinatur animus, quia eum hoc consilio ad conscribendam historiam accessisse videmus, ut principum romanorum res gestas, non ut vitam fataque doctorum virorum, recenseret: ut res gestas ipsas non singulas religiose et scrupulosa quadam diligentia explanaret, sed ut praecipuarum delectum faceret, hasque ipsas nunc vberius et fusiùs explicaret, nunc breuiter strictimque attingeret. Crudelitatem, quam in Papiniano Caracalla exercuit, videri queat utique tetigisse, quando interemptos scribit fuisse, senatorii ordinis quicumque aut nobilitate aut opibus excellerent, et quidem minima quaque de causa, vel plane nulla, IV, 6. 5. Quum dicit senatorii ordinis viros interemptos, forte non excludendum duxit praefectum praetorio, huiusque similes, etsi me non fugit, praefectis praetorio senatoriam dignitatem ab Alexandro Severo demum additam fuisse, teste Lampridio in Alexandro C. XXI.

Iam nescio, an etiam his occurrere curem, qui ab Herodiano multa praetermissa aegre ferunt, a Commodo, ab Elagabalo, a Caracalla flagitiose, impure, incestueque facta, cuius generis non pauca apud Suetonium, Historiaeque Augustae scriptores, leguntur. Nam quibus pudor et virtus cordi est, hi sibi magis placere Herodiani dictitabunt verecundum silentium, quam aliorum scriptorum impudentem loquacitatem. Temperant sibi boni historici ab exponendis historiis, quae peccare doceant, satis gnari, magistrum vitae esse oportere historiam, non corruptricem. Sunt eadem mente, qua fuisse Demosthenes videtur, qui impudicas Philippi saltationes describere non susti-

sustinet. Olynth. II. p. 7. Quid Demosthenem dico? Sentiant idem, quod Apostolus, qui instinctu diuino afflatuque concitatus talia flagitia ne nominanda quidem decernit.

An statuemus, boni historici esse, spurce obsceneque factis non modo cogitando immorari, verum etiam stilo persequi et narrare ea, quae nemini obiici ne ab inimico quidem possint verecundo? Quis igitur non laudandum potius Herodianum, quam vituperandum, ducat, quod talia aut prorsus praetermittit, aut, si praetermittere non potest, breuitatem adhibet, et verba occultandae turpitudini apta: ut, quum fuisse narrat, qui praetereuntem Iulianum maledictis insectarentur, et *turpes ei ambiguasque voluptates* exprobrarent. II, 7. Incestum Iuliae cum Caracalla concubitum aut ignorauit, aut non credidit, aut, si credidit, non esse suae verecundiae existimauit, tam nefandum facinus ad memoriam posteritatemque procedere. Non est religioni narrare hoc facinus Aelio Lampridio in Antonino Caracalla c. X, non Aurelio Victori de Caesaribus c. XXXI, non Eusebio denique et Eutropio. Quibus aliqui ut fidem derogent, obseruant, ab hisce scriptoribus omnibus male ac perperam Iuliam dici Caracallae nouercam, quum fuerit mater. Quo ipso mihi Caracallae scelus non tam refellete videntur et coarguere, quam augere. Quis nescit, rebus vere factis culpa narrantium subinde admisceri quaedam a vero aliena? Aliis hic placuit argumento uti inficiali, ducto illo a scriptorum eiusdem aetatis silentio, ac praesertim Herodiani. Quo loco non repetam id, quod iam dixi, nempe non id consilii Herodiano fuisse in tradenda sui temporis historia, ut multum in recensendis principum impuris flagitiis versaretur: illud vnum vrgeo, non videri Herodianum incestum istum prorsus omisisse, sed leuiter transisse tantummodo et perstrinxisse. Quanta dicacitas in Caracallam fuerit Alexandrinorum, nunc ei fraternam caedem, nunc ineptum Achillis Alexandrique imitandi studium, exprobrantium, nunc matrem eius Iocastam
appel-

appellantiuſ, Herodianus IV, 9 narrat. Cur quaeso Alexandrini Iuliam Iocastam appellarunt? Iocasta, inquis, duo filios in concordiam reducere non potuit Eteoclem et Polynicen. Aequae infelix Iulia in reconciliando Caracalla cum Geta. Concedo, dicacibus et scommatum studiosis satis esse ad comparandam Iuliam cum Iocasta potuisse, quod neutra conglutinare filiorum concordiam potuerit: sed vnumquemque tamen mihi etiam hoc daturum confido, Alexandrinorum dictarum multo acrius et ad exasperandum animum suapte natura saevum multo accommodatius fuisse, si Iulia non modo ob frustra tentatam filiorum reconciliationem, verum ob incestos etiam amores Iocasta appellata existimaretur. Hanc Iocastam, ut norunt omnes, Oedipus filius duxit uxorem. Si hoc sensu Iuliam Iocastam dictam sumis, tum vero intelliges, cur hoc dictarium usque adeo pupugerit tyrannum, eiusque iras stimulauerit, ut conuocatam iam campum universam Alexandrinorum iuventutem, exercituque circumdatam, ex improviso, horribili strage contrucidaret. Nam asperae facetiae, ubi multum ex vero traxere, acrem sui memoriam relinquunt, ut ait Tacitus A. XV, 68. Cui Herodianus consentit ipse IV, 9. 4.

Interim licet ista, licet istis similia multa, ab Herodiano omissa concedamus, neminem tamen fore credimus, qui iure queri possit, ab eius historia eam abesse iucunditatem, quae a rerum dicendarum copia, varietate et nouitate, nasci solet. Quot quaeso oppida, quot regiones, quot itinera describit? Quot quamque diuersas imperiorum successiones memorat, quam varios casus eventusque bellorum cum ciuiliu, tum externorum, quot gentes excitas sedibus suis, quot mala publica tam romanorum, quam barbarorum, quot denique vitas principum et tyrannorum, adeo nouas et inauditas, ut exemplis similia, aliis temporibus vel nulla, vel certe pauca, repariantur. Quam prudens est in obseruanda imperii romani forma, huius temporis fere propria, eaque democratiae militari,

tari, quam monarchiae, similiore: quam accuratus in patefaciendis democratiae huiusce militaris initiis et progressu, item in malis inde natis, et in remediis modo prospere, modo parum prospere, adhibitis? Et quum in gratiam graecorum suorum potissimum romanorum imperatorum historiam scribat, quam apte interdum ab instituto suo digreditur, describendisque romanorum ritibus et moribus, qui exteris poterant esse incogniti, mentem cogitationemque intendit?

Quam autem dicendi artem tot rebus gestis tamque variis adhibuerit, intelligere licebit, si consideres, quanta verborum locutionumque varietate res natura sua saepe simillimas distinxerit. Verba ei facienda sunt semel iterumque de pestilentia, de fame, de vi aestus et vehementia frigoris: multo vero frequentius de seditionibus, de bellis, de urbibus obsessis, de malis denique purpuratorum, quibus principes regendos se permittunt, artibus. Id quod quoties ei faciendum est, tam vario verborum ornatu identidem orationem suam expolit, tam diversos, eosque suaues, graeci sermonis colores ei illinit, ut, res tot similes tam diuersis modis variari posse, utique mirere. Siue igitur rerum ipsarum varietate siue verborum delectere, non poterit te non Herodiani lectio perfundere voluptate. Nihil dico de tropis et figuris, commode ab eo usurpatis, nihil de virtute illa orationis, qua res verbis tanquam coloribus ita depinguntur, ut subiectae lectorum oculis videantur. Mitto sermonis puritatem Atticam, a qua raro recedit: mitto periodorum concinnitatem, verborum ordinem; iuncturam et numerum, sententiarum grauitatem, et reliqua denique omnia, quae hoc habere creduntur, ut historiae aliquid suauitatis concilient. Haec omnia, inquam, mitto. Libet paucula duntaxat acute grauiterque, sine vlllo tamen fuce, dicta attingere. Cui non suaue est legere, Aquileienses omni genere machinarum a Maximino oppugnatos tam fortiter restitisse, ut videretur tandem *στρατός δοκῶν πολιορκεῖν αὐτὸς πολιορκεῖσθαι*

VIII, 5, 13, hoc est, ut obsidio videretur in obsidentes versa. Quum I, 4. 20 luctum ex obitu Marci Antonini narrat, omnes ait nuntium de imperatoris morte multis lacrimis excepisse, eumque omnes velut vna voce, alios parentem probum, alios bonum imperatorem, quosdam fortissimum ducem, nonnullos etiam continentem moderatumque principem vocitasse. Post addit, neque sane quemquam falsum habitum fuisse. Dubites ista legens, an vlli vnquam principum oratio funebris habita fuerit, aut haberi possit, cum mortuo honorificentior, tum ad gratam memoriae eius benevolentiaeque conseruationem, simulque ad imitationem commendandam, aptior. Quam grauis est vox Pompeiani I, 6. 14 *Εκείτε Ρώμη, ὅπε βασιλεύς*. Ecce tibi paucula verba, sed aptissima ad magnam illam mutationem indicandam, quam imperium romanum ab eo tempore subiit, quum libertas expirare coepit, potestasque populi et senatus circumscribi, totaque res ab vnus voluntate principis pendere. Olim Roma fuerat, vbi romanus populus, vbi Martius campus, vbi equester ordo, vbi rostra, ouilia, senatus, curia. Nunc incredibili rerum conuersione facta haec omnia ibi sunt, vbi imperator est, etsi sit ad ripas Istris, etsi sit apud barbaras gentes, longo locorum intervallo ab vrbe remotas, quarum nec nomen paullo ante auditum fuerat, nec fama Romam peruenerat. Camilli apud Liv. V, 54 opinio fuerat, virtutem romanorum transire alio posse, Fortunam certe vrbis Romae transferri non posse. Haec Fortuna nec tempore Camilli Veios, nec Caesaris Troiam, aut Alexandriam, traduci videbatur posse: nunc in vnum imperatorem traducta putatur. Quam verum ergo est, omnino remp. romanam omnemque eius auctoritatem ab Augusti dominatu intercidisse, et in quandam regni formam transisse, imperatoresque romanos tanta potestate romanum imperium rexisse, quanta reges solent, quibus infinita nullisque limitibus circumscripta potestas est, quacunque tandem ratione hanc tantam pote-

potestatem in se traduxerint, siue libertate labefactata per vim, siue per legem regiam, quam nonnulli comminiscuntur, siue denique per potestates populares senatorialesque subinde sumtas, et per temporum vices repetitas. Vt vis, vt grauitas, vocis a Pompeiano vsurpatae melius sentiat, age, comparemus eam cum similibus, quae aliorum ex ore exierunt, vocibus, quaeque in magna similitudine dissimilitudinis aliquid habere reperientur. Apud Alciphronem II, 4 Glycera ad Menandrum scribit, *ibi Athenas esse, vbi Menander est*. Habes vocem amicae amicum impense colentis, eiusque eruditionem elegantiamque admirantis! Martial. X, 20 ad Manium:

Si tibi mens eadem, si nostri mutua cura est,
In quocunque loco Roma duobus erit.

Habes vocem hominis in concordia et fide sinceri amici sibi placentis, et in ea omnia ponentis! Brutus ad Ciceron. ep. XVI *mihi esse iudicabo Romam*, inquit, *ubicunque liberum esse licebit*. Habes vocem amantis remp. et libertatem! Hoc loco denique Pompeianus ad Commodum Romae desiderio captum, *ibi Roma*, inquit, *vbi imperator*. En tibi vocem vnus dominatui omnia subicientis! Similiter dicta leguntur apud Cic. Phil. II, 44, apud Vellei. II, 62, apud Lucan. V, 27, denique apud Martial. XII, 21. Videor mihi hoc consecutus, vt facile pateat, vt quisque rectissime iudicat, ita libentissime Photio subscripturum, qui Herodianum scribit *ἐν πάσαις ταῖς κατὰ τὴν ἰσορίαν ἀρεταῖς ἔ πολλῶν εἶναι δεύτερον*.

Tam excellenti historico non contigit interpret latinus, qui more plerorumque eorum, qui graecos scriptores interpretati sunt, verbis inhaereret, nec ab auctoris vestigiis iusto liberius recederet. Quum enim duo sint interpretationum seu versionum genera, quorum in altero qui se exercent, hi ita verbum verbo reddere curant, vt, quantum linguarum diuersitas patitur, pene verborum versuumque ordinem ac nume-

rum obseruent; qui alterum tentant, hi sententiam alio sermone liberius exponunt, et nunc quaedam mutando, nunc quaedam addendo, copiosiusque et dilucidius, quae dicta ab aliis sunt, explicando, euagantur. Iam si consideres, vtri generi sit versio Herodiani annumeranda, quam Angeli Politiani industriae debemus: eam certe non esse primi generis reperiās: Sitne generis secundi, pene dubites. Politianus enim etsi se Herodianum in latinum sermonem vertendum suscepisse dicit, seduloque curasse, vt omnia ex fide responderent; tamen fugiendo omnem peregrinitatem, fugiendo graeculas figuras, vtrumque morositatem, et quasi anxietatem, vt ipse loquitur, consuetandoque latinae dictionis castitatem, perspicuitatem et munditiem, effecit, vt interpretatio eius paraphrasis dici vix queat, nedum metaphrasis possit. Certe IO. HENR. BOECLERVS, vir doctissimus, tertium versionum genus maluit seu excogitare, seu confingere et comminisci, idque Politiano singulare et proprium dicere, quam Herodiani interpretationem latinam inter translationes vel primi vel secundi generis referre. Nec difficile dictu est, cur Boeclerus ita senserit. Vidit nempe, vnam Politiano curam fuisse, si latina elegantia posset etiam in versione cum graeca Herodiani venustate certare, atque, vt hic succederet conatus, multa vtique mutasse, nunc graecismos in latinismos conuertendo, nunc verba pro substantiuis, substantiua pro verbis, nunc alias orationis partes pro aliis ponendo, nunc prius dicta posteriore, posterius dicta priore, loco collocando, nunc denique vnam periodum in plures dissolvendo, plures vice versa in vnam conflando. Sed quum has mutationes, hisque similes, facere per paraphraseos leges interpreti liceat, praesertim ei, qui elegantiae sermonis illius, in quem aliquid transfert, velit consulere, modo sensum argumentumque auctoris, quem transferendum suscipit, exprimat; per nos licebit etiam latinam Herodiani interpretationem, quam Politiani ingenium peperit, paraphraseos numero ac loco habere.

habere. Politianus scilicet voluit in utroque interpretandi genere, quid posset, experiri. Itaque in Epicteti Enchiridio, in duobus Idylliis Moschi, in hymno Callimachi, qui inscribitur lauacrum Palladis, addo in Theophrasti characteribus ethicis illud vertendi genus tentavit, quod ad verbum omnia exprimit: in Herodiano autem interpretando a graeco fere longius recedit, elegantiae et latinitatis potissimum studiosus.

Iam vtra vertendi ratio maxime sit probanda, facile intelliget, qui considerabit, triplicem esse eorum, qui ad legendos graecos accedunt, differentiam: alios esse graece doctissimos, hisque nulla versione opus esse: alios graecarum literarum quidem expertes esse, sed magis de rebus graeco sermone traditis, quam de sermone ipso, laborare, hosque vtracunque versione posse esse contentos: alios denique eo spectare, ut, quae sit singulorum verborum singularumque partium orationis vis et potestas, quae sermonis graeci indoles, cognoscant, hisque easdem versiones maxime prodesse, in quibus, ut docet Petr. Nannius ad Hor. A. P. 133, et *indoles* sit, et *fides*, et *religio*: *indoles*, hoc est, tropi, figurae, adfectus moresque expressi: *fides*, quae reddat sententiae sententiam, nihilque nec addat, nec demat: denique *religio*, quae circa verba verbis reddenda versetur. Quam religionem quum ab interprete requiro, nolim quisquam existimet, mihi probari *seruile illud, et interlineari simile, interpretandi genus, quod facilius ad pueros corrumpendos, quam ad subleuandos iuuantosque, pertinere* iudicat, decus illud Germaniae, I. M. GESNERVS in Epistola ad Io. FRED. REITZIVM Luciani operibus praemissa. Est enim linguarum tanta dissimilitudo, ut in qualibet nonnulla occurrant, quae ad verbum vix liceat exprimere, nisi obscuram, inuenustam, putidamque reddere orationem velis. Qui ita ad verbum graecos auctores interpretes latini exprimunt, ut hoc vitium capeant, eos doctissimorum virorum

iudicio maxime video probari. Probat hoc interpretandi genus is, quem modo laudaui, Gesnerus l. c.: probat P. BVRMANNVS secundus, qui, praeterquam quod nomen magni illius P. BVRMANNI habet, etiam ingenium illius virtutemque nobis reddit, in praefatione lectu dignissima ad Aristophanis Comoedias: probat denique STEPH. BERGLERVS in praefatione ad Homeri Iliad. pag. II. sq., qui etsi illud genus, uti usu facilius, ita factu operosius, facto periculo, deprehendit, ut ipsemet fatetur; tamen et in Alciphronis epistolis vertendis, et in Comoediis Aristophanis, in emendandis versionibus Homeri, et in aliis feliciter tentavit. Tentavit vero idem in Herodiano interpretando, cuius novam versionem, vestigiis auctoris presso pede propius insistentem, magisque studiosae iuventuti, quam maturioribus ingeniis, accommodatam se suscepisse et absoluisse, dum Lipsiae ageret, scribit Berglerus in epistola ad Fabricium edita a Reimaro post vitam Fabricii pag. 222. sq. Quorundam doctorum virorum fauor quo magis respondet ingenio Bergleri et meritis, tanto eorum maior est dolor, versionem istam prelum non subiisse. FRID. OTTO MENKENIVS, in vita Politiani p. 158, eam diu latitasse in b. parentis sui bibliotheca scribit, seque nescire, an in dignas satis tanto munere manus peruenerit, optandumque esse commodi publici causa, ut cum noua, si quis eam meditetur, Herodiani editione lucem aliquando videat publicam. Quae eadem repetit in praefatione ad Aristophanem P. BVRMANNVS secundus. Tantam sui fecit expectationem illa interpretatio Bergleriana! Hic nihil attinet dicere, me aut illam ipsam versionem Bergleri, quae fuerat in bibliotheca Menkeniana, aut certe exemplum illius et *ἀντίτυπον* ante annos fere triginta vidisse in quadam viri docti Lipsiensis bibliotheca, aliquanto post apud Dresigium V.C., qui Herodianum se aliquando edendum suscepturum mihi affirmabat. Illud filere non debeo, mihi tandem tam felici esse licuisse, ut copia huius versionis daretur.

tur. Communicauit eam mecum ex Bibliotheca Amplissimi senatus Lipsienfis Vir Illuftris, IO. IAC. MASCOVIVS, quem femper aliquid agere, femper aliquid meditari, quod publice proficit, quod rem literariam iuuat, qua adhortando, qua confilium impertiendo, qua denique conatus aliorum re atque opera iuuando, neque ab hoc bene de literis merendi ftudio vel negotiorum multitudine, vel valetudinis infirmitate, auocari, testes funt ii omnes, quibus adire eum, perfruique eius sermone, pleno comitatis et doctrinae, contingit.

In quas manus ifta verfio ex bibliotheca Menkenii peruenit, non fatis fcio: fed vt nunc in tanto munere indignas perueniffe videatur, non committam. Si indignae manus funt eius, qui eam abscondit, nec publicam rem facit, mihi propositum eft, eam orbi literato diutius non inuidere: fin vero eius, qui pretium quantum ei ftatuendum fit, non intelligit, ego cauebo ne, quae Berglerianae interpretationis dotes funt, ignorare videar.

Mihi eam examinanti tria potiffimum oblata funt, quae commendabilem eam faciant. Prima commendatio proficifcitur ab ea interpretandi religione, quae verbum verbo reddere, quantum sermonis indoles patitur, curat. Qua religione Berglerus effecit, vt ex hac interpretatione graecae constructionis ratio, et fingularum vocum vis multo facilius et melius etiam a tirone cognofci poffit, quam ex illa Politiani. Altera commendatio ei accedit a fide, quae fententiam fententiae reddit, nec tribuit verbis alienas a loco fignificationes, nec omittit quicquam, nec addit. Supereft tertia commendatio, quam habitura eft haec interpretatio a conatu ftudioque emendandi textum graecum et quidem iis in locis, quorum corruptio eft indubitata. Berglerus quidem lectorem interpretationis fuae vix quater aut quinquies admonet, fe aliquid in textu graeco mutaffe, aut mutandum putaffe; ex ipfa tamen

men interpretatione non aegre colligas, eum quam saepissime mendas de textu exemisse, et quam plurimis locis manum medicam ante admouisse, quam ad ea interpretanda accederet. Nunc per singula eundo, exemplis in medium allatis, fidem his laudibus faciamus, quas in Berglerianam interpretationem contulimus.

Diximus Bergleri versionem hoc habere, ut, quae sit graecae constructionis ratio, et singularum vocum potestas, planius declaret. Ex innumeris exemplis, quae huic rei documento sint, pauca deligamus.

1. Libro I. c. II. §. 9. *Πρὸς τε τὰς τὰ ἀρκτῶα τῆς γῆς, ἔθνη βάρβαρα, κατοικῶντας* etc. Politianus vertit: *aduersus barbaras nationes septentrioni subiectas*. Recte sine dubio. Berglerus vero: *aduersus eos, qui septentrionales terrae partes incolunt, barbaros*. Aequè recte, sed ad rationem constructionis peruidendam accommodatius. Patet ex hac interpretatione, *τὰς τὰ ἀρκτῶα τῆς γῆς* sc. μέλη κατοικῶντας vocari per ἐπεξήγησιν, ἔθνη βάρβαρα. Tanaquil Faber si ita considerasset hunc locum, temperasset sibi haud dubie, quin emendaret, legeretque: *ἀρκτῶα ἢ θη βάρβαρας*, ut ἢ θη sint *sedes et patrii lares*. Mutat quidem Faber paullo post mentem, negatque vocem ἔθνη mutandam, quia graece dicatur populus aliquis habitare gentem. Sed vereor, ut vel hac explicatione sibi quisquam satisfactum putet. Nam apud Herodianum non dicuntur barbarae gentes habitari: dicuntur septentrionales terrae partes habitari, iique, a quibus habitentur, esse barbari. Nec locus Arriani ex initio l. IV. *Λαβ.* quicquam viro docto prodest, si recte capiatur. Sed id quidem nunc non agimus.
2. *Τῆς ἐξουσίας* I, 4. 13. Politian. *in maxima licentia*: Bergler. *subseruiente licentia*. Quid sit ὑπηγετεῖν, Politianus non docet: docet Berglerus. Licentia dicitur eleganter subseruire seu obsecundare cupiditatibus, id est, hoc praestare, ut explere cupiditates possis.
3. *Παρηγυέλθητε δὴ πᾶσιν ἐλθεῖν εἰς τὸ ἐκωδὸς πεδῖον αὐτὰς ὑποδέχεσθαι* I, 5. 3. Politian. *Editum itaque omnibus, ut in campum de more adessent frequentes*. Berglerus: *denuntiaturumque est, ut adessent in campum ipsos excipere solitum*. Etiam hunc locum emendandum Faber censuit,

- consuit, et pro ~~αὐτῇ~~ legendum αὐτὴν, quasi intelligeretur ἐπίδοσις. Fabri hanc emendationem probat editor Oxoniensis. Mihi plane improbatur. Versio Berglerii, cur sit improbanda, clare ostendit.
4. Κοινὴν ἑναί μοι πρὸς ὑμᾶς τὴν ἐπὶ τοῖς καταλαβῆσιν ἀλγυδόναι etc. I, 5, 5. *Communem esse mihi vobiscum huius moerorem calamitatis etc.* Bergler. *Communem esse mihi vobiscum super praesentibus malis dolorem.* Fac tironem aestuare, non intelligentem, quid sibi velint verba ἐπὶ τοῖς καταλαβῆσιν: aestum hunc non explicabit versio Politiani. Καταλαμβάνειν hic est ἐρχεσθαι vel παραγίνεσθαι. Sic Herodian. I, 12, 16. I, 15, 5. Ergo ἡ ἐπὶ τοῖς καταλαβῆσιν ἀλγυδὼν est moeror ex eo, quod accidit, moeror ex praesentibus malis, vt recte Berglerus.
5. Ὡς ἐπὶ πολὺ κειμένων τῶν πτωμάτων, δι' αὐτὸ τῷτο, ἐπὶ χολῆς πάντας ἀριθμῆσαι, καὶ μηδὲν ἰδεῖν περιττὸν ἀκόντιον I, 15, 13. Politian. ita suo ordine iacentibus corporibus, vt numerari facillime singula possent, nullo scilicet superuacuo incidente telo. Bergler. ita vt, diu iacentibus cadaueribus eo fine, per otium omnes ea numerarent, nec ullum viderent superfluum iaculum. Ex qua interpretatione licet intelligere, quid sit ἐπὶ πολὺ, quid δι' αὐτὸ τῷτο, quid ἐπὶ χολῆς.
6. Νῦν μὲν γὰρ ἄντις τῆς ἐπίσεως ἔμελλον ἡμέρας. I, 16, 2. Politian. *Id futurum erat anno ineunte.* Bergler. *Novi autem anni secunda die erat desiturus.* Hinc facile intelligas, quid sit τῆς ἐπίσεως ἡμέρας.
7. Ἀρχαί τε ἐπωνυμοί I, 16, 7. Politian. *Summi magistratus.* Stephanus mauult *eponymi magistratus*, addita explicatione: sunt autem eponymi magistratus consules. Sed vtroque melius Berglerus: *magistratus, quorum nominibus annus signatur.* Sunt enim eponymi magistratus generatim ii, a quibus anni numerantur, et in fastis notantur, hoc est, apud Athenienses princeps archon, apud Romanos consules ordinarii. v. Wesseling. Obs. II, 25. p. 255.
8. Τοιαύτης εὐμαιρίας καὶ εὐταξίας κατεχέσης τὸν βίον II, 5, 1. *Quum in hac morum vitaeque modestia ageret.* Ita Politianus. Sed Berglerus: *Tali autem felicitate temporis ac decore tenente vitam humanam,* id est, quum genus humanum, quum homines tunc viuentes hac felicitate, hac morum probitate, vterentur. Politianus dubium te relinquit, quorsum τὸ βίον sit referendum, vtrum ad Pertinacem,

an ad homines Pertinacis aetate viuentes. Elegantiā graecae locutionis explicat Casaubonus ad Athenaeum XV, 5. Latini eodem sensu ponunt vitam humanam. v. Hemsterhus. ad Lucian. Dial. pag. 70. sq..

Propter haec, et his similia longe plurima, non ausim Politianum accusare, quasi Herodianum non intellexerit. Liberiorem tantum interpretem egisse in his interpretandis dixerim, et a verbis paullo longius discessisse. Nunc veniamus ad ea, quae recte interpretatur Berglerus: secus, ut videtur, Politianus: cuius generis iam multa notauit in Politiano H. STEPHANVS, ut notum est, aduersarium propterea nactus Boeclerum, aliosque, qui Politiani patrocinium susciperent. Ea cuncta iam non repetam. Quaedam siue obseruata a Stephano, siue non obseruata, proponam, in quibus interpretandis vtrum Politianus an Berglerus fuerit felicior, graece docti lectoris iudicio relinquam. Ostendam tripliciter Politianum videri peccasse, nunc alienas a loco significationes graecis vocabulis tribuendo, nunc aliquid omittendo, nunc denique aliquid de suo addendo. Ut ab ultimo incipiam, consideremus locum ex IV, 4, 7. Γέτας μὲν δὴ τρωθεὶς καὶ ὡς προσχέας τὸ αἷμα τοῖς τῆς μητρὸς στήθεσι, μετήλλαξε τὸν βίον. Polit. *Quare irrupto fratris cubiculo nihil eum tale expectantem supra matris pectus multo undantem sanguine saeuus obtruncat.* In quo loco interpretando aliquid de suo addidisse Politianum nemo negabit, et quidem ea verba *irrupto fratris cubiculo*. Nihil hic de latinitate vocabuli *irruptus* dico: illud vnum moneo, condonandum hoc additamentum videri Politiano posse, si caedes illa, quam historicus describit, in fratris cubiculo facta esset. Nunc quum Dio 77, pag. 1289, reclamet, qui diserte Getam in matris cubiculo necatum prodit, quis erit tam facilis, ut hoc contra fidem historiae additum Politiano remittendum putet. v. Fabric. ad locum Dionis. Rectius itaque Berglerus: *Ac Getas quidem vulneratus letaliter, effuso sanguine ad matris pectus decessit*

decessit e vita. Sed in hac culpa raro esse Politianus videtur, frequentius in illa, qua aliquid omittitur.

1. Ἀφειδῶς a Politiano I, 8, 17 non vertitur, a Berglero autem *citra deletum*. Proprie: ita ut nemini parceret.
2. Γυμνωθὲν ὥφθη τὸ τῆς Παλλάδος ἄγαλμα I, 14, 7. Berglerus: *detectum apparuit Palladium*. Illud γυμνωθὲν non expressit Politianus.
3. Οὐκ ἀναμέννας ὁ Ἀρτάβανος ὑπῆντετο αὐτῷ IV, 11, 4. Politianus verba ἐκ ἀναμέννας non vertit, Berglerus: *Haud se continens Artabanus occurrit ei*, vel: nec mora; Artabanus obviam ei processit.
4. Ἴνα δὴ μὴ πάντα τὸν στρατὸν σκύλη IV, 13, 8. Quae verba Berglerus recte vertit: *ne scilicet totum exercitum vexaret*. Politianus plane non vertit, cui vis verbi videtur incognita fuisse. Nam aut plane non vertit; ut h. l., aut male vertit, ut VII, 3, 10, ubi illud eum verbo σκυλᾶν vel συλᾶν videtur confundere, ut Stephanus in praefatione ad Herodianum innotet. Non tamen silentio praetermisserim, ipsum Salmasium de M. V. c. 17. p. 788 verbo σκυλᾶν notionem verbi συλᾶν, hoc est, raptandi spoliandique tribuere.
5. Εἰ γὰρ ἐκ τῆ κρείττονος ὑπέτεροι ἐδόκουν γεγονήσθαι οἱ βάρβαροι VI, 6, 11. Politianus: *Nam quamvis bello superiores fuisse barbari viderentur*. Illud ἐκ τῆ κρείττονος aut vertere neglexit, aut ad comparatiui vim augendam pertinere putavit: quomodo Scheidius accepit, vertendo *potiore ex parte*, vel *longe*. Rectius Berglerus: *quamvis enim diuinitus superiores viderentur fuisse barbari*. Τὸ κρείττον ἐστὶν Numen, Fortuna et eius vis. Κρείττονες sunt Dii. v. Aelian. V. H. III, 1. Adde Brodaeum Miscell. V, 30. Doruille ad Chariton. pag. 265.

Ac de his satis: sequitur, ut etiam exempla adferam, quae documento sint, sensum verborum saepenumero rectius a Berglero, quam a Politiano, esse expressum.

1. Φέρων τέ με παλαίης γήπιον ὄντα ταῖς ὑμετέρας ἐνεχείρισε πίεσι I, 5, 9. Politianus: *quin infantem me saepe in ulnis gestans vobis dabat in manus, quasque vestras commendabat fidei*. Ecce tibi γήπιον, qui se meminerit, a patre aliorum fidei commendatum, immo qui

se inemiacit a patre in vlnis gestatam! Numquid igitur in posterum ridebimus, si quis narret aliquem, qui se in gremio matris sedentem manum illius appetisse meminere? Sed ut concedamus, interdum pueros iam grandiusculos, ac fere βάρυδας a patribus in vlnis gestari, τὸ Φέρειν hic non videtur idein esse, quod in vlnis gestare. Cautior hic Berglerus, qui vertit: *tradensque me saepe infantem adhuc vestrae commendauit fidei*. Quid si dicerem, participium hoc Φέρειν adnecti etiam hic, ut saepe alias, ornatus magis quam significationis causa, verbo, quod commendandi potestatem habet, eique promptae voluntatis, adde etiam consuetudinis, vim addere, ut docent Heinslerhuf. ad Lucian. I, 349, et Dornille ad Chariton. p. 520?

2. Τὴν προὔπαιχσαν Φήμην I, 14, 12. Politianus vertit: *fama rerum*. Rectius Berglerus: *praecedens omen*. Φήμη hic non est fama, sed omen et praesagium. Dicitur quidem plerumque Φήμη de omine ex verbis, sed et de omine ex rebus.

3. Περὶ τῆς συνεδρίας χαλεπῶς ἀπωδύρετο I, 8, 10. Politianus: *gravissime de accepta iniuria conquesta*. Nimis generaliter. Berglerus: *de statione graviter conquesta*. Quo loco monet, illud συνεδρίας frustra sollicitari a Stephano: *ceteros non recte intelligere*. Scilicet Berglerus hoc vocabulum capere videtur de stationibus, quae in vrbe fere unicuique generi hominum certae et solennes erant, quaeque loca publica erant, in quae, quibus vacabat, convenire solebant vel confabulandi vel desidendi causa temporisque fallendi. De quibus Briffon. Select. Antiq. II, 2 et Torrent. ad Sueton. Ner. 37. De qua tamen explicatione mihi pronuntiandum videtur: amplius.

4. Ποιεῖται τὴν ἐξοδὸν I, 9, 22. Politianus: *ad reditum se comparat*. Berglerus: *professionem instituit*. Recte. Ut ποιεῖται λόγος est loqui, ποιεῖται ἀρπαγὴν rapere, ποιεῖται ὁδοιπορίαν iter facere, quae locutiones omnes apud Herodianum sunt obviae; ita ποιεῖται ἐξοδὸν est exire sc. prouincia.

5. Ἡμεῖς δὲ τὸ σὸν γένος ὅσον ὑδὲπω ἀπολλόμεθα I, 13, 3. Politianus: *nos autem sanguis tuus propemodum occidimus*. Berglerus melius: *nos autem sanguis tuus iam iam peribimus*. Sic vertendum docet Bergler. ad Alciplhr. III, 30, I, 10, et Doruillius ad Chariton. p. 658.

6. Ταῖς δὲ χρήματά μὴ μελήσων, ἀλλ' οἰκοδὲν ἤδη μεταπέμψεσθαι II, 6, 16. Politianus: *neque in dando moram futuram: nam domi eam pecuniam afferuari*. Bergler. *ut moram in pecunia futuram: sed do-*
mo

mo eam offerri curaturum. An hic lapsus Politianum dicam, non satis scio: at lapsus est sine dubio in interpretando verbo μεταπέμπε-
σαι c. VII §. 10 τές τε τῶν στρατιωτῶν ἐξέχοντας οἰκάδε μεταπεμ-
πόμενος, ubi Polit: *mīlites, qui plurimum haberent auctoritatis, di-*
versos alium alio tempore domum dimittebat. Nam μεταπέμπεσαι
non est domum dimittere, sed domum arcessere. Recte Berglerus: *ex*
militibus eminentiores domum arcessens.

7. Αὐτῷ δὲ ἄλλως ἐστὶ II, 9, 7. *proximeque adstanti*: vertit Politia-
nus, quasi ἄλλως esset *proxime*. Berglerus: *sibi autem sic forte adstanti.*

8. De Elagabalo, quum duxisset Vestalem, V, 6, 3 ait Herodianus:
Ἐπισείλας τῇ συγκλήτῳ καὶ παραμυθησάμενος ἀσέβημά τε καὶ αἰμάρ-
τημα τηλικῶτον φήσας, ἀνδρώπινόν τι πεπονθέναι πάθος ἔρωσι
γὰρ τῆς κόρης ἐαλωκένου. Politianus: *ita moestum tanto flagitio ac*
periculo senatum per epistolam consolatus, humanum esse id peccatum:
captum se illius esse amore. Berglerus: *ac per epistolam significans se-*
natui excusavit hanc impietatem, et delictum tam magnum dictitans,
humanum quiddam se esse passum: amore enim puellae captum. Πα-
ραμυθεῖσθαι ἀσέβημα non est *consolari aliquem moestum aliquo flagi-*
tio, ut putavit Politianus, sed *excusare impietatem*, ut Berglerus, hoc
est, *verbis eleuare impietatem, delictique magnitudinem lenitate ora-*
tionis mollire. Sacrilegus nempe imperator hic fecit, quod Aristoph.
Plut. 159 vocat ὀνόμασι περιπέττειν τὴν μοχθηρίαν, de quo more im-
proborum Gronovius de P. V. III, 14 pag. 230. Ita παραμυθήσασθαι
ponitur Aristoph. Vesp. 115. Hinc παραμυθία est figura orationis,
molliens, quod asperius dici potest, de qua rhetores. Sic explicat
παραμυθήσασθαι χρησμένον apud Xenoph. Ephes. pag. 9 vir doctus in
Obf. Miscell. Vol. III. p. 413.

9. Ἐπισείας δὲ αὐτῷ τὰς ἐδίητας τῶν μηρῶν κατέλκοντι ἀπεστραμ-
μένῳ, πάσις ξιφιδίῳ IV, 13, 11. Politianus: *accurrit illico, aversum-*
que et subligacula sibi deducentem pugione traiecit. Berglerus: *Super-*
perueniensque ipsi vestes a femoribus detrahenti, aversum ferit gladio.
Lege Casaubonum ad Sueton. Aug. 87 et intelliges, vtra interpretatio
sit praeferenda.

10. Καὶ ὅς μὲν εἰς τὴν Ῥώμην ἀπέπεμψε, τινὰς δὲ ἐπὶ προφάσει
διοικήσεως ἀπεσείσατο VII, 1, 7. Politianus: *partim Romam*
dimisit, partim administrationem rerum causatus, officio priua-
vit. Berglerus: *partim Romam ablegavit, partim sub praetextu re-*

tum administrandarum a se dimouit. Rectius. Nam ἀπεσείσατο est a se dimouit, quomodo vertendum etiam est IV, 5, 13, vbi Politianus vertere superfedit.

21. Eis ὕπνον τε καὶ θελκόμενος ὑπὸ καμμάτων πάχων οἴθεϊς, ἀνεπαύσατο I, 17, 20. Politianus: *atque in somnum prolapsus, quum id ex labore accidisse opinaretur, quieti se tradidit.* Haec interpretatio Commodum et dormientem facit, et non dormientem. Dicit enim Commodum in somnum prolapsus fecisse id, quod est vigilantis, hoc est, iudicasse et opinatum esse. Melius Berglerus: *Somnoque gravatus ex lassitudine id sibi accidere ratus, requieuit*, id est, quum vigeretur somno, ex lassitudine etc.

Venio ad ea, quae Berglero simul rectae interpretationis, simul emendationis, laudem adserant. Is quidem quater, aut quinque ad summum, admonuit lectorem, suam esse nunc hic, nunc illic, notabilem in graecis emendationem: quomodo tamen, quae corrupta in graecis sunt, emendanda putaret, nunquam admonuit. Interim eius versio sic comparata est, ut facile ex ea conicias, quomodo locus aliquis ex sententia Bergleri sit emendandus.

1. Τὴν δὲ τῷ ἔτους ἀρχὴν ἱερομηνίαν ἀγνοῦσι τῶ τῆς Ἰταλίας ἔθες I, 16, 5. Politian. *Dein vero initium anni more suo concelebrant.* Haec explicatio satis declarat, Politianum legisse ἔθες. At quum apud Herodianum statim sequatur: διπρόσωπον δὲ αὐτῷ ἴδενται τὸ ἀγαλμα; quomodo quaeso te expedies, vbi quaesitum a te fuerit, quorsum referendum sit illud αὐτῷ; Expedire te nullo negotio poteris, vbi pro ἔθες legas Θεῷ. Ita legit Berglerus. Vertit enim: *anni autem initium sacrum agitant Italiae Deo.* Et hanc emendationem ego quidem verissimam putem.

2. Πείθεν τε ἐποχέει, μὴ ἐνθουσιασμένως, καὶ τότε ἐν σώφρονι καὶ σεμνῷ χήματι etc. II, 5, 8. Politianus magis, quae scribere potuisset auctor, quam quae reuera scripsit, in interpretatione exprimit: *a foedissimo illo tumultu absterret, non attonitus periculo, sed habitum oris grauem moderatumque retinens.* Berglerus ita: *et persuadere inceptabat, ne furerent, manens tunc etiam in modesto et honesto statu.* Quid multa? Apparet, Berglerum ita putasse hunc locum emendandum; μὴ ἐνθουσιάζει, μένων καὶ τότε etc.

3. Τὰ

3. Τα μὲν ἔν πολλαῖς εἰς τὸ ῥηθὲν αὐτὸς συγγράψας ἐν τῷ καθ' αὐτὸν βίῳ II, 9, 5. Politian. *Quorum pleraque ipse in libris de vita sua conscripsit.* Politianus illa verba εἰς τὸ ῥηθὲν non exprimit. Et quis exprimat tam vitiosa? Berglerus ita: *pleraque quidem per historiam tradita ipse conscripsit in sua vita.* Legit ergo ἰσορῆθენტα pro εἰς τὸ ῥηθὲν.

4. Εἰ δὲ τὴν τε Ἰλλυρικὴν δυνάμιν ἅμα χειροτονήσασαν μάθοιεν, τότε ἡμέτερον ὄνομα πύθοιεν II, 10, 16. Polit. *Quodsi ab Illyrico exercitu ducem creatum cognouerint, simulque nostrum nomen inaudierint.* Bergler. *Sed si Illyriam manum nos elegisse cognouerint, nostrumque nomen audierint.* Legit Politianus ἡγεμόνα: Berglerus ἡμᾶς pro ἅμα.

5. Τέσ τε ἐλέφαντας πάντας, ἑς εἰς πομπὴν ὑπηρετῶν ἐπὶ νώτων φέρεν ἐπειρᾶτο παιδεύειν II, 11, 18. Polit. *Si quidem elephantos quoque, quos ad pompam institutos habebat, insuefacere conabatur sessorem pati.* Habes sententiam, cui graeca non respondent. Sed ea corrupta sunt. Emendat Berglerus: *τέσ τε ἐλέφαντας πάντας, τὲς εἰς πομπὴν, πύργως ἐπὶ νώτων φέρεν ἐπειρᾶτο παιδεύειν.* Vertit enim: *elephantosque omnes pompae inferuientes turres in dorso ferre conabatur docere.* Placet sibi in hac emendatione. Addit enim: *insignis hic mea in graecis emendatio.*

6. Πᾶν ὥσθη III, 10, 11. Berglerus vertit: *et patet facta est munition.* Legit ergo: *καὶ ἀνεώχθη* scil. τὸ ἔρυμα. Monet etiam hic: necessaria et notabilis hic mea emendatio in graecis.

7. Ἀπασὶ γὰρ ἤθελε τὲς παῖδας τῆς ἐν Ῥώμῃ διαίτης χρηστῆς ἀπολαύειν III, 13, 3. Politianus illud ἀπασὶ pro παντάπασι accipit. Berglerus autem legit: *ἀπάσης.* Vertit: *omnem enim volebat liberos in urbe vitae honestatem gustare.*

Atque haec sunt exempla emendationum, quae Bergleri ingenio videntur deberi. Ab eodem quam plurima alia Herodianum ita transferuntur, ut appareat, eum modo probare et sequi emendationes Stephani, Sylburgii, Fabri, aliorum; modo non probare, nec sequi. Ut hoc utar, locum II, 11, 16. *καὶ τὸτο μετὰ τῆς ἄλλης εὐδαιμονίας παρασχέσης τῆς φύσεως Ἰταλικῶταις, ἔρυμα ἀρρηκτόν τε καὶ αὐτῶν πρόβεβληται ἀπὸ τῆς ἀρκτῶας θαλάσσης ἐπὶ τὴν μεσημβρίαν βλέπσαν διήκον,* ita vertit Berglerus: *id etiam cum cetera felicitate indulgente natura Italici, ut munimentum inexprugnabile ipfis*

ipsis obiectum sit a septentrionali mari ad id, quod meridiem spectat. Ex qua interpretatione quid aliud patet, nisi a Berglero probari Kühnii coniecturam ad Aelian. V. H. IX, 16, qui verborum ordinem male turbatum ita restituendum putat: *αὐτῶν προβεβλῆσαι ἀρρηκτόν τε καὶ ἀπὸ. κ. τ. λ..*

Hactenus de dotibus versionis Berglerianae. Satis scio, si quis, quale pretium sit rei statuendum, videt, eum et bona, quae rei insunt, nosse, et mala. Itaque animus erat quaedam de ista versione addere, quae a reprehensione negligentiae minime abfutura esse cogitando praesentio. Ut alias maculas praeteream, quas parum cauisse Bergleriana cura et diligentia videatur, haec versio multo plura, quae sunt in graeco, omittit, quam ut ei ultimam limam addidisse auctor videri queat. Sed et de ea re alio tempore erit dicendi locus, et modus ponendus praefationi est. Indicandum nunc est, quamobrem praefari ista placuerit. Constituerunt oratiunculas quasdam publice recitare quinque nostrae disciplinae alumni, quorum quatuor posteriores ex schola hac discedent, et demonstrare, non esse, quod mortalium quisquam optet unum perpetuumque rerum secundarum tenorem. Nomina eorum sunt

Andreas Christophorus Rudingerus, Lipsiensis

Io. Christianus Heuckenrodt, Martisburgensis

Frider. Gottlieb Lehmannus, Dippoldswalda Misen

Ferdinandus Frider. Graefenbainius, Beichlinga Thuring

Christophorus Voigtlaenderus, Marbachia Misen

Quos pro virium modulo dicturos ut frequentes et propitii audire scholae huius antistites, patroni, fautores et amici velint, et meo nomine, et eorum, qui declamaturi sunt, vehementer etiam atque etiam rogo. Qui precibus nostris hoc, quod rogamus, dandum putabunt, nae illi et nos magno beneficio adficient, et discipulis favore suo nutuque ad maiora capeSSenda stimulos admovebunt. Scr. Lipsiae pridie Non.

April. A. MDCCCXXI



